



Llywodraeth Cymru
Welsh Government

Cynllun Cyflenwi a Gweithredu ar gyfer Anabledd Dysgu 2022-2026

Learning Disability Delivery and Implementation Plan 2022-2026

Llywodraeth Cymru

Hydref 2022

Welsh Government

October 2022

Fersiwn / Version 1.0

Pob ymholiad trwy / All enquiries via

LDMAG@gov.wales

Cynllun Cyflenwi a Gweithredu ar gyfer Anabledd Dysgu 2022-2026

Dylid darllen y Cynllun Cyflenwi a Gweithredu hwn ar y cyd â Chynllun Gweithredu Strategol ar gyfer Anabledd Dysgu 2022-2026 Llywodraeth Cymru, a gyhoeddwyd ar 24 Mai 2022.

Mae'r cynllun wedi'i ddatblygu gan Lywodraeth Cymru ar y cyd â chydweithwyr, partneriaid a rhanddeiliaid o bob rhan o'r sector cyhoeddus a'r trydydd sector yng Nghymru. Mae'n amlinellu'r camau a'r mentrau penodol a fydd yn helpu i gyflawni'r blaenoriaethau polisi strategol a nodir yn y Cynllun Gweithredu. Mae cydweithio a chyd-gynhyrchu yn egwyddorion canolog o fewn y cynllun felly oni, nodir yn wahanol, bydd y gweithgareddau hyn yn cael eu harwain gan Lywodraeth Cymru, gan weithio gyda'n partneriaid strategol a'n rhanddeiliaid.

Mae'n ddogfen 'fyw' a bydd yn cael ei diweddarau'n rheolaidd.

Er bod gan nifer o gamau gweithredu o fewn y cynllun ddyddiadau cwblhau targed penodol, ni fydd yr holl weithgaredd yn dechrau ar unwaith, tra bydd rhai yn cymryd mwy o amser na'r cyfnod dan sylw yn y cynllun hwn i gael ei gwblhau'n llawn. Mae sawl cam yn ymwneud â chyfnod cychwynnol o weithgaredd ymchwil a chwmpasu arfaethedig, a fydd yn llywio datblygu gweithgarwch a chamau mwy pwrpasol. Bydd dyddiadau targed a cherrig milltir yn cael eu hychwanegu wrth i'r rhain ddod yn glir.

Bydd cynnydd yn erbyn cyflawni camau'r cynllun yn cael ei fonitro a'i werthuso'n flynyddol gan y Grŵp Cynghori'r Gweinidog ar Anabledd Dysgu (LDMAG) annibynnol. Yn unol â'r adolygiad y cytunwyd arno o'r Cynllun Gweithredu, bydd Llywodraeth Cymru hefyd yn ei adolygu'n ffurfiol yng ngwanwyn 2024.

Rhif	Maes Blaenoriaeth Strategol	Camau gweithredu
	1 Trosfwaol a Thrawsbynciol	
1.1	Cyhoeddi Cynllun Gweithredu Strategol newydd pedair blynedd ar gyfer Anabledd Dysgu	- Byddwn yn gweithio gyda Grŵp Cynghori'r Gweinidog a phartneriaid i ddatblygu a chyhoeddi cynllun gweithredu strategol cyffredinol, trawslywodraethol a chynllun cyflawni cysylltiedig ar gyfer polisi anabledd dysgu. Bydd yn cynnwys camau gweithredu priodol, mesuradwy sy'n canolbwyntio ar

Rhif	Maes Blaenoriaeth Strategol	Camau gweithredu
		<p>ganlyniadau, trefniadau monitro, cytundebau adrodd ac adolygiadau cyfnodol. I'w gyhoeddi erbyn Mai 2022.</p> <ul style="list-style-type: none"> - Byddwn yn gweithio i ddatblygu cynllun Cyflenwi a Gweithredu cyflenwol a fydd yn cynnwys y camau penodol sydd eu hangen i gyflawni'r blaenoriaethau strategol a amlinellir o fewn y cynllun gweithredu – Erbyn mis Hydref 2022. - Byddwn yn adolygu'n ffurfiol cynnydd yn erbyn cyflawni'r camau yn y cynlluniau gweithredu a chyflawni'n flynyddol. - Byddwn yn cynnal adolygiad cynhwysfawr o'r Cynllun Gweithredu Strategol ar ôl dwy flynedd i sicrhau bod blaenoriaethau'r cynllun yn parhau i fod yn briodol ac yn berthnasol – Gwanwyn 2024.
1.2	Bydd y Grŵp Cynghori'r Gweinidog ar Anableddau Dysgu yn gynhwysol ac yn gwbl hygyrch ar gyfer pobl ag anabledd dysgu	<ul style="list-style-type: none"> - Byddwn yn cynnal o leiaf pedwar cyfarfod o Grŵp Cynghori'r Gweinidog y flwyddyn, ac is-grwpiau lle bo angen – bydd hyn yn drefniant parhaus. - Byddwn yn adolygu prosesau gydag aelodau'n rheolaidd er mwyn sicrhau bod cyfarfodydd yn gynhwysol ac yn hygyrch i bobl ag anabledd dysgu – adolygir hyn yn flynyddol - Byddwn yn cytuno ar adolygiad blynyddol a gwerthusiad o'r Cylch Gorchwyl, aelodaeth a gweithdrefnau – i'w hadolygu'n flynyddol. - Byddwn yn gweithio i adolygu effaith, effeithiolrwydd a chanfyddiad y cyhoedd o Grŵp Cynghori'r Gweinidog , gan gynyddu i'r eithaf ei amlygrwydd a'i gyrhaeddiad i sicrhau y gall partneriaid a'r cyhoedd ymgysylltu'n llawn â gwaith Grŵp Cynghori'r Gweinidog – erbyn mis Mawrth 2023 ac i'w adolygu'n flynyddol.
1.3	<p>Cydraddoldeb a Chynhwysiant</p> <ul style="list-style-type: none"> - Ystyried effaith ac effeithiolrwydd polisiau anabledd dysgu o ran pobl ag anableddau dysgu, eu teuluoedd a'u gofalwyr o'r gymuned Ddu, Asiaidd ac Ethnig Leiafrifol 	<ul style="list-style-type: none"> - Yn y flwyddyn gyntaf bydd Llywodraeth Cymru a Grŵp Cynghori'r Gweinidog yn sefydlu Grŵp Gorchwyl a Gorffen i adolygu effaith ac effeithiolrwydd y polisiau presennol i sicrhau bod anghenion unigolion ag anabledd dysgu o gymunedau gwarchoddedig neu ddifreintiedig yn cael eu diwallu.

Rhif	Maes Blaenoriaeth Strategol	Camau gweithredu
	<ul style="list-style-type: none"> - Sicrhau bod anghenion siaradwyr Cymraeg iaith gyntaf yn cael eu diwallu wrth ddylunio a darparu gwasanaethau a chefnogaeth. 	<ul style="list-style-type: none"> - Lle nodir bylchau, byddwn yn ystyried camau sy'n sicrhau bod polisiau Llywodraeth Cymru yn diwallu'n llawn anghenion a nodwyd o ran pobl ag anabledd dysgu ac yn eu rhoi ar waith - erbyn Ebrill 2024. - Ar ôl cwblhau cam cychwynnol y gwaith mewn perthynas â chhydraddoldeb hiliol, byddwn yn ymchwilio i effaith polisiau presennol ar bobl ag anableddau dysgu o grwpiau sy'n rhannu nodweddion gwarchoddedig, ac felly hefyd bolisiau sy'n cael eu datblygu. – o fis Ebrill 2024.
1.4	Ymchwilio i sefydlu Arsyllfa Anabledd Dysgu Genedlaethol i Gymru	<ul style="list-style-type: none"> - Byddwn yn cynnal astudiaeth ddichonoldeb i nodi costau a manteision sefydlu Arsyllfa Anabledd Dysgu ar gyfer Cymru – erbyn Ebrill 2024.

1.5	<p>Hyrwyddo cymorth Ymddygiad Cadarnhaol a gofal gwybodus am Drawma mewn iechyd, gofal cymdeithasol ac addysg.</p> <p>Fframwaith ar gyfer lleihau arferion cyfyngol [HTML] LLYW.CYMRU</p> <p>Sicrhau bod egwyddorion Fframwaith Llywodraeth Cymru ar gyfer Lleihau Arferion Cyfyngol yn cael eu hyrwyddo, eu deall a'u hymgorffori mewn hyfforddiant a gwasanaethau ar draws iechyd, gofal cymdeithasol, addysg a gofal plant. Bydd hyn yn cynnwys monitro, cofnodi ac adrodd priodol.</p> <p>Gweithio gyda sectorau i sicrhau eu bod yn ystyried ac yn cytuno ar gamau gweithredu i gefnogi'r gwaith o weithredu'r Fframwaith ar gyfer Lleihau Arferion Cyfyngol yn effeithiol ym meysydd gofal plant, addysg, iechyd a gofal cymdeithasol – Erbyn haf 2023</p>	<ul style="list-style-type: none"> - Byddwn yn gweithio gyda rhanddeiliaid a darparwyr gwasanaethau i sicrhau bod egwyddorion Fframwaith Llywodraeth Cymru ar gyfer Lleihau Arferion Cyfyngol yn cael eu hyrwyddo, eu deall a'u hymgorffori mewn hyfforddiant a gwasanaethau ar draws iechyd, gofal cymdeithasol, addysg a gofal plant. Bydd y gwaith hwn hefyd yn sicrhau bod monitro, cofnodi ac adrodd priodol yn cael eu cynnwys - erbyn mis Ebrill 2024. - Byddwn yn cynnal cyfres o gynlluniau treialu/profi i nodi'r dulliau mwyaf priodol o gyflawni'r ymrwymiad hwn ar draws gwahanol rannau o'r sector cyhoeddus – Yn ystod 2023-24. - Byddwn yn lansio'r animeiddiad (a'r cynllun cyfathrebu cysylltiedig) i ar gyfer codi ymwybyddiaeth o'r Fframwaith ar gyfer comisiynwyr a darparwyr – Haf 2022. - Byddwn yn lansio'r animeiddiad ar gyfer codi ymwybyddiaeth ymhlith pobl sy'n defnyddio lleoliadau a gwasanaethau a'r bobl sy'n bwysig iddyn nhw - Haf 2022. - Byddwn yn gweithio gyda sectorau i sicrhau eu bod yn ystyried ac yn cytuno ar gamau gweithredu i gefnogi'r gwaith o weithredu'r Fframwaith yn effeithiol ym meysydd gofal plant, addysg, iechyd a gofal cymdeithasol.
-----	---	--

Rhif	Maes Blaenoriaeth Strategol	Camau gweithredu
1.6	Cydweithio, cyd-gynhyrchu a chydweithredu	<ul style="list-style-type: none"> - Byddwn yn gweithio gyda phartneriaid yn y trydydd sector i holi barn pobl ag anableddau dysgu ynglŷn â sut le y dylai Cymru fod iddyn nhw yn 2033, er mwyn sicrhau bod y rhaglen yn llwyddiant - Erbyn Ebrill 2024. - Byddwn yn adolygu ac yn ymchwilio i arferion gorau o ran gweithio ar y cyd a chyd-gynhyrchu - Erbyn mis Ebrill 2024. - Byddwn yn datblygu ac yn hyrwyddo canllawiau i sicrhau bod cynifer o gyfleoedd â phosibl ar gyfer cydweithredu a chyd-gynhyrchu - Erbyn mis Ebrill 2024. - Byddwn yn datblygu ac yn gweithredu strategaeth gyfathrebu ac ymgysylltu sy'n nodi'n glir sut y byddwn yn rhannu gwybodaeth am y gwaith rydym yn ei wneud ac yn cael mewnbwn ac adborth mewn ffordd hygyrch erbyn mis Ebrill 2024.
	2. Adfer ar ôl Covid a Llesiant	
2.1	Presgripsiynu Cymdeithasol ac Unigrwydd ac Ynysigrwydd - hyrwyddo a gwella llesiant pobl ag anableddau dysgu.	<ul style="list-style-type: none"> - Bydd Grŵp Cyngori'r Gweinidog yn cyfrannu at grŵp gorchwyl a gorffen cenedlaethol i ddeall sut y gallai presgripsiynu cymdeithasol helpu Cymru yn ei hadferiad ar ôl COVID-19 a chyflwyno fframwaith Cymru-gyfan i ddarparu presgripsiynu cymdeithasol i fynd i'r afael ag ynysigrwydd. - Byddwn yn ystyried canlyniadau'r ymgynghoriad (dyddiad cau 20 Hydref 2022), gan ofyn am adborth ynghylch cyllid cynaliadwy, yn benodol pa gamau y gellir eu cymryd ar lefel genedlaethol i sicrhau trefniadau cyllido hirdymor.
2.2	Llesiant	<ul style="list-style-type: none"> - Byddwn yn gweithio gyda Grŵp Cyngori'r Gweinidog a phartneriaid eraill i bennu'r blaenoriaethau gweithredu ar gyfer ffordd strategol newydd o ymdrin â llesiant, o fewn cynllun cyflawni newydd ar gyfer pobl ag anableddau dysgu.
2.3	Sicrhau bod anghenion adfer rhag Covid pobl ag anableddau dysgu, eu teuluoedd a'u gofalwyr yn cael eu cydnabod a'u cefnogi yn	<ul style="list-style-type: none"> - Byddwn yn gweithio gyda Grŵp Cyngori'r Gweinidog a rhanddeiliaid eraill i gyfrannu at adolygu, gwerthuso ac ystyried y gwersi a ddysgwyd am effaith cyfyngiadau ar bobl ag anableddau

Rhif	Maes Blaenoriaeth Strategol	Camau gweithredu
	Rhaglen Genedlaethol Llywodraeth Cymru ar Adfer ar ôl Covid.	dysgu, eu teuluoedd a'u gofalwyr yn ystod y pandemig COVID-19 - Parhaus
	Iechyd a Gofal Cymdeithasol –	
3.1	Gweithredu argymhellion yr adolygiad o Wasanaethau Arbenigol i Oedolion yn 2020, “Gwella Gofal, Gwella Bywydau”.	<ul style="list-style-type: none"> - Byddwn yn sefydlu grŵp rhanddeiliaid cenedlaethol amlasiantaethol i gynghori ar y cynllun gweithredu cenedlaethol a goruchwylio'r broses o'i roi ar waith. <div style="text-align: center; margin: 10px 0;">  <p>Detailed National Action Plan for Adult I</p> </div> <ul style="list-style-type: none"> - Byddwn yn gweithio gyda rhanddeiliaid i fonitro a gwerthuso cyflawni camau gweithredu'r adroddiad – Parhaus. - Byddwn yn ymateb i'r angen am ddarpariaeth diogelwch canolog yng Nghymru a nodwyd gan yr adolygiad cwmpasu a gynhaliwyd gan Bwyllgor Gwasanaethau Iechyd Arbenigol Cymru (sy'n comisiynu'r holl ddarpariaeth diogelwch canolog ac uchel ar ran byrddau iechyd Cymru) – erbyn Ebrill 2023. - Cylch Archwilio Arbenigol ar gyfer Cleifion Mewnol ag Anabledd Dysgu - Byddwn yn dysgu o gylch archwilio chwarterol arbenigol a Dwysach Uned Gyflenwi GIG Cymru ar gyfer cleifion mewnol i gefnogi datblygu gwasanaethau cymunedol yn gynaliadwy a chael llai o arosiadau amhriodol a hir mewn ysbytai. System adrodd a chynlluniau gwella ar waith erbyn Rhag 2022. - Sicrhau bod Gwasanaethau Cymunedol ar gyfer Anabledd Dysgu o'r "Maint Cywir" - Byddwn yn cefnogi datblygu darn o waith i ganfod y "maint cywir" ar gyfer Gwasanaethau Anabledd Dysgu, er mwyn hwyluso'r gwaith o weithredu "gofal yn nes at adref" a sicrhâi llai o arosiadau diangen mewn ysbytai i bobl sydd ag Anabledd Dysgu - Erbyn mis Ebrill 2024. - Llwybrau Oedi Gofal - Byddwn yn cefnogi cynnwys cleifion mewnol ag anabledd dysgu wrth roi "Llwybrau Oedi Gofal" (DToC

Rhif	Maes Blaenoriaeth Strategol	Camau gweithredu
		<p>gynt) ar waith yn genedlaethol, er mwyn deall yr heriau sy'n wynebu pobl ag anabledd dysgu sy'n barod i drosglwyddo i gam nesaf y gofal - Erbyn Mawrth 2023</p>
3.2	<p>Adolygu Marwolaethau a Gwasanaeth Archwilwyr Meddygol</p>	<ul style="list-style-type: none"> - Datblygu gweithdrefnau sy'n sicrhau bod marwolaethau unigolion ag anabledd dysgu yn cael eu hadolygu fel rhan o'r system adolygu marwolaethau newydd a bod gwersi'n cael eu nodi a'u rhannu'n briodol. - Byddwn yn cyfrannu at ddatblygu "Fframwaith Dysgu yn sgil Marwolaethau", gan sicrhau bod materion sy'n ymwneud ag anabledd dysgu yn cael eu hadlewyrchu'n briodol – Erbyn mis Ebrill 2023 - Gweithio gyda phartneriaid i sefydlu proses gymesur a phriodol ar gyfer adolygu marwolaethau unigolion ag anabledd dysgu yn systematig – Erbyn mis Ebrill 2023
3.3	<p>Fframwaith Addysg am Anabledd Dysgu ar gyfer staff gofal iechyd.</p>	<ul style="list-style-type: none"> - Byddwn ynn gwella gwasanaethau ac yn sicrhau bod addasiadau rhesymol yn cael eu gwneud sy'n diwallu anghenion pobl ag anabledd dysgu sy'n defnyddio gwasanaethau. Bydd hyn yn cael ei gyflawni trwy gyflwyno, monitro a gwerthuso Fframwaith Addysg Anabledd Dysgu tair haen ar gyfer staff gofal iechyd. Bydd Haen 1 yn cael ei lansio yng Ngwanwyn 2022 a haenau 2 a 3 yn dilyn o fis Ebrill 2023. - Byddwn yn gweithio gyda phartneriaid i ddatblygu'r hyfforddiant Haen 2 a Haen 3 i staff y GIG – Gwaith cwmpasu i ddechrau o fis Hydref 2022. - Byddwn yn gweithio gyda phartneriaid i adolygu a gwerthuso effaith ac effeithiolrwydd yr hyfforddiant Haen 1 ar gyfer staff gofal iechyd yn dilyn blwyddyn lawn gyntaf yr hyfforddiant - Gwanwyn 2023. - Byddwn yn gweithio gyda phartneriaid i ymchwilio i opsiynau ar gyfer addasu ac ehangu'r hyfforddiant hwn ar gyfer maes gofal cymdeithasol a gwasanaethau eraill.

Rhif	Maes Blaenoriaeth Strategol	Camau gweithredu
3.4	Sefydlu safonau ansawdd a diogelwch sy'n benodol i anabledd dysgu ar gyfer gwasanaethau arbenigol i oedolion ag anabledd dysgu.	<ul style="list-style-type: none"> - Byddwn yn gweithio gyda phartneriaid i ddatblygu safonau a mesurau ansawdd a diogelwch sy'n seiliedig ar dystiolaeth i'w gweithredu ledled Cymru. I'w gweithredu erbyn mis Rhagfyr 2023. - Byddwn yn gweithio gyda phartneriaid i fesur a sicrhau cyrraedd y safonau cenedlaethol hyn ledled Cymru. Erbyn mis Rhagfyr 2023.
3.5	Cynyddu mynediad at Archwiliadau Iechyd i bobl ag anabledd dysgu.	<ul style="list-style-type: none"> - Byddwn yn gwerthuso effeithiolrwydd y prosiect gwirio Iechyd peilot a gynhaliwyd rhwng mis Hydref 2021 a mis Mawrth 2022 ac yn archwilio opsiynau ar gyfer datblygu, gweithredu ac ymgorffori'r fframwaith gwirio Iechyd ymhellach – Gwanwyn 2022. - Adolygu dulliau byrddau Iechyd o ddarparu archwiliadau Iechyd, nodi dulliau gweithredu effeithiol a rhannu'r hyn a ddysgir ledled Cymru – erbyn mis Ebrill 2023. - Byddwn yn datblygu safonau cenedlaethol ar gyfer darparu gwiriadau Iechyd ac yn gwella cysondeb dulliau o gyflwyno'r gwiriadau hyn ledled Cymru – Erbyn mis Ebrill 2023. - Byddwn yn gweithio gyda phartneriaid i fesur a sicrhau cyrraedd y safonau cenedlaethol hyn ledled Cymru – gan gychwyn ym mis Ebrill 2023.
3.6	Cynnal gwerthusiad o'r opsiynau i sefydlu platfform digidol i gefnogi gweithredu'r Fframwaith Cydraddoldeb Iechyd mewn ffordd gynhwysfawr ledled Cymru.	<ul style="list-style-type: none"> - Byddwn yn cefnogi ac yn cynnal gwaith ymchwil ar ddefnyddwyr i lywio'r gwaith o ddatblygu manyleb ar gyfer platfform Fframwaith Cydraddoldeb Iechyd digidol erbyn gwanwyn 2023. - Byddwn yn gweithio gyda phartneriaid i sefydlu a chyflwyno llwyfan digidol sy'n hawdd ei ddefnyddio i gefnogi defnydd cynhwysfawr a chyson o'r Fframwaith Cydraddoldeb Iechyd – o Wanwyn 2023. - Byddwn yn monitro ac yn gwerthuso'r broses Fframwaith Cydraddoldeb Iechyd ddigidol i wneud y mwyaf o'i ddefnydd a'i effeithiolrwydd – O wanwyn 2023. - Ar ôl rhoi'r Fframwaith Cydraddoldeb Iechyd newydd ar waith, byddwn yn ymchwilio i sefydlu system adrodd canlyniadau cenedlaethol sy'n mesur effeithiolrwydd ymyriadau therapiwtig – o fis Ebrill 2024.

Rhif	Maes Blaenoriaeth Strategol	Camau gweithredu
3.7	Iechyd Corfforol – Cynnal prosiectau gwella i leihau anghydraddoldebau iechyd, marwolaethau cynamserol a marwolaethau y gellir eu hosgoi.	<ul style="list-style-type: none"> - Datblygu polisiau a/neu ganllawiau i fynd i'r afael â materion iechyd sy'n hysbys / dod i'r amlwg, a gwella sut mae gwasanaethau prif ffrwd y GIG yn nodi ac yn ymateb i anghenion unigolyn ag anabledd dysgu. Bydd y meysydd y canolbwyntir arnynt fel blaenoriaeth yn cynnwys: - canfod, diagnosis a thriniaeth ar gyfer rhwymedd. - Mynediad at frechiadau a gwasanaethau sgrinio iechyd. - sicrhau defnydd eang o'r proffil iechyd. - Adolygu'r defnydd o'r system fflagio; ac, - Adolygu'r bwndel gofal - parhaus o fis Ebrill 2022.
3.8	Unigrwydd ac Ynysigrwydd - Sicrhau bod y cysylltiad yn parhau rhwng y gwaith sydd ar y gweill i fynd i'r afael ag unigrwydd ac ynysigrwydd cymdeithasol a'n blaenoriaethau gwella ar gyfer anabledd dysgu.	<ul style="list-style-type: none"> - Byddwn yn gweithio gyda phartneriaid i ymchwilio i'r rhesymau dros unigrwydd ac ynysigrwydd i bobl ag anabledd dysgu. - Byddwn yn cyfrannu at bolisiau sy'n mynd i'r afael â'r problemau hyn - parhaus o fis Ebrill 2022.
3.9	Dulliau newydd o ymdrin â gwasanaethau dydd, gofal seibiant a seibiannau byr	<ul style="list-style-type: none"> - Byddwn yn gweithio gyda phartneriaid i roi ar waith y camau gweithredu yn y Cynllun Cyflawni sy'n cefnogi Blaenoriaeth 3 y Strategaeth ar gyfer Gofalwyr Di-dâl: cefnogi bywyd gofalwyr ochr yn ochr â'u cyfrifoldebau gofalu, gan gynnwys gweithio tuag at well dealltwriaeth o sut y gellir cael gafael ar seibiant oddi wrth eu dyletswyddau gofalu, a sut i ariannu a darparu hynny. - Byddwn yn gweithio gydag ADSS Cymru/awdurdodau lleol a phartneriaid i edrych ar ailagor gwasanaethau dydd awdurdodau lleol yn ddiogel a sicrhau bod y gwasanaethau hynny yn diwallu anghenion pobl ag anabledd dysgu, eu teuluoedd a'u gofalwyr – Gan ddechrau ym mis Hydref 2022 gydag adolygu parhaus.
3.10	Galluogi gofal a chymorth integredig drwy Daliadau Uniongyrchol a Gofal Iechyd Parhaus.	<ul style="list-style-type: none"> - Byddwn yn gweithio gyda phartneriaid i ymchwilio i'r rhyngwyneb rhwng Taliadau Uniongyrchol a Gofal Iechyd Parhaus i sicrhau'r

Rhif	Maes Blaenoriaeth Strategol	Camau gweithredu
		<p>effaith a'r effeithiolrwydd mwyaf posibl ar gyfer pobl ag anabledd dysgu, eu teuluoedd a'u gofalwyr o fis Ebrill 2022</p>
3.11	Cefnogi rhieni ag anabledd dysgu	<ul style="list-style-type: none"> - Byddwn yn sicrhau bod cynnydd mewn dealltwriaeth ac ymwybyddiaeth o anghenion rhieni sydd ag anabledd dysgu ar draws gwasanaethau, gan sicrhau bod rhieni sydd ag anabledd dysgu yn cael gwell cefnogaeth gan beri gostyngiad dilynol yn nifer y plant sy'n cael eu cymryd i ofal. Cyflawnir hyn drwy ddatblygu, cyhoeddi a lansio canllawiau cenedlaethol dwyieithog ar gyfer Gwasanaethau Gofal Cymdeithasol Plant ar yr arfer gorau o ran sut y gellir cefnogi rhieni neu ddarpar rieni ag anabledd dysgu orau er mwyn i deuluoedd allu aros gyda'i gilydd ac i'r plant allu ffynnu. Erbyn hydref 2022. - Byddwn yn datblygu a chyhoeddi canllawiau cysylltiedig i rieni sydd ag anabledd dysgu – Erbyn hydref 2022.
3.12	Adolygu effeithiolrwydd Deddf Gwasanaethau Cymdeithasol a Llesiant (Cymru) 2014	<ul style="list-style-type: none"> - Llywodraeth Cymru i gwblhau gwaith ar adolygu a gwerthuso Deddf Gwasanaethau Cymdeithasol a Llesiant (Cymru) 2014 – Parhaus. - Byddwn yn sicrhau bod barn a phrofiadau pobl ag anableddau dysgu yn cael eu hadlewyrchu yng nghanlyniadau'r adolygiad i fynd i'r afael â bylchau a nodwyd yn y ddarpariaeth – Parhaus.
3.13	Y Gweithlu Gofal Cymdeithasol	<ul style="list-style-type: none"> - Byddwn yn gweithio gyda phartneriaid i gefnogi cynllunio'r gweithlu er mwyn sicrhau bod gweithlu gwydn sydd wedi'i hyfforddi'n briodol yn cael ei recriwtio a'i ddatblygu.
3.14	Gweithlu Nyrsys Anableddau Dysgu	<ul style="list-style-type: none"> - Modelu gweithlu. Byddwn ni'n gweithio gyda rhanddeiliaid allweddol ar draws lleoliadau i nodi modelau o ran y gweithlu sy'n diwallu anghenion cyfannol pobl sydd ag anabledd dysgu. I ddeall yn well lle mae angen Nyrsys Anableddau Dysgu a pham - parhaus - Byddwn yn ystyried gyda phartneriaid yr opsiynau ar gyfer ehangu mynediad at addysg mewn anabledd dysgu i nyrsys cofrestredig. Gwaith parhaus ynghyd ag adolygu recriwtio ar gychwyn pob blwyddyn academaidd (mis Hydref 2023, 2024).

Rhif	Maes Blaenoriaeth Strategol	Camau gweithredu
		<ul style="list-style-type: none"> - Byddwn ni'n gweithio gyda phartneriaid i adolygu llwybrau gyrfa presennol ar gyfer nyrsys anableddau dysgu, gan nodi'r strwythurau presennol ac ystyried dulliau o wella'r llwybrau gyrfa ar gyfer nyrsys anableddau dysgu presennol – parhaus.
3.15	Gofalwyr a Pholisi Gofalwyr	<ul style="list-style-type: none"> - Byddwn yn gweithio gyda phartneriaid a rhanddeiliaid mewnol/allanol i ddatblygu polisiau sy'n sicrhau bod anghenion gofalwyr pobl ag anableddau dysgu, gan gynnwys gofalwyr teulu a brodyr a chwiorydd a gofalwyr ag anableddau dysgu yn cael eu deall a bod cymorth hygyrch ar gael iddynt – Parhaus.
4 Eiriolaeth, Hunaneiriolaeth, Ymgysylltu a Chydweithio		
4.1	Hyrwyddo dewis, llais a rheolaeth i bobl ag anableddau dysgu a'u gofalwyr. Bydd hyn yn cynnwys eiriolaeth, hunaneiriolaeth, cynhwysiant digidol a chymorth i ofalwyr sy'n gofalu am frawd neu chwaer.	<ul style="list-style-type: none"> - Byddwn yn gweithio gyda rhanddeiliaid i archwilio ac adolygu arfer gorau a modelau gwahanol o gymorth eiriolaeth, er mwyn datblygu gwasanaethau eirioli ar gyfer oedolion yn unol â Chanllawiau Comisiynu – Dechrau mis Hydref 2022.
4.2	Cynhwysiant digidol a defnyddio technoleg.	<ul style="list-style-type: none"> - Byddwn yn gweithio gyda phartneriaid a rhanddeiliaid i archwilio ac adolygu'r defnydd priodol o dechnoleg ac opsiynau digidol er mwyn i bobl ag anabledd dysgu allu ymgysylltu cymaint â phosibl, a meithrin a gwella'u cysylltiadau. – o fis Ebrill 2023. - Byddwn yn ymchwilio i ffyrdd i wella cysylltiadau i bobl sy'n ei chael yn anodd cael gafael ar wybodaeth neu godi eu llais - Parhaus.
4.3	Cyfeillgarwch a pherthynas ag eraill.	<ul style="list-style-type: none"> - Byddwn yn gweithio gyda Grŵp Cynghori'r Gweinidog ar Anabledd Dysgu i ymchwilio i'r potensial ar gyfer darparu canllawiau a chynghor ynghylch cyfeillgarwch a pherthynas rywiol i bobl ag anabledd dysgu, eu teuluoedd/gofalwyr a darparwyr gwasanaethau – O fis Ebrill 2023. - Byddwn yn sicrhau bod pobl ag anabledd dysgu yn cael cyngor priodol sy'n caniatáu iddynt gynnal perthynas iach ag eraill Erbyn mis Ebrill 2024.
5 Addysg, Plant a Phobl Ifanc		

Rhif	Maes Blaenoriaeth Strategol	Camau gweithredu
5.1	Gwasanaethau Anabledd Dysgu Plant a Phobl Ifanc	<ul style="list-style-type: none"> - Byddwn yn gweithio gyda rhanddeiliaid a darparwyr gwasanaethau i wella gweithio ar y cyd wrth ddarparu gwasanaethau plant, gan gynnwys gwasanaethau pontio, ar gyfer pobl ag anableddau dysgu ar draws iechyd, gofal cymdeithasol ac addysg - O fis Ebrill 2022. - Byddwn yn gweithio gyda phartneriaid i ystyried cwmpas y gwaith hwn a datblygu cynlluniau priodol sy'n edrych ar arfer gorau, bylchau yn y ddarpariaeth, gwelliannau posibl i'r gwasanaethau, a chynllun ar gyfer darparu a gweithredu gwasanaethau anabledd dysgu integredig i blant a phobl ifanc - O fis Ebrill 2022 hyd at fis Ebrill 2025. - Byddwn yn gweithio gyda phartneriaid i fesur a sicrhau bod y cynlluniau hyn yn cael eu cyflawni.
5.2	Anghenion Dysgu Ychwanegol – Gweithredu	<ul style="list-style-type: none"> - Byddwn yn sefydlu grŵp llywio ADY cenedlaethol ym mis Medi 2022 i ddarparu gwybodaeth am gyfeiriad strategol, a chyngor i gefnogi'r broses barhaus o roi diwygiadau ar waith. I parhau. - Bydd Estyn yn cynnal adolygiad thematig o'r system ADY gyda'r bwriad o gynnal gwaith cwmpasu yn ystod haf 2022 a gwaith maes yn nhymor yr hydref gan anelu at gyhoeddi yng ngwanwyn 2023. I parhau. - Byddwn yn gweithredu'r cychwyn deddfwriaethol yn raddol gan symud plant i'r system newydd dros gyfnod o dair blynedd o fis Medi 2021. I parhau - Byddwn yn penodi arweinwyr gweithredu yn Mawrth 2023 i ddarparu cymorth strategol parhaus i'r sector - Byddwn yn cyhoeddi canllawiau ar gyfer ymarferwyr, rhieni a phlant, a chanllawiau technegol ac i'r sector ôl-16 ar weithredu ym mis Medi 2022. Cyflawn. - Byddwn yn datblygu ac yn hyrwyddo'r llwybr dysgu proffesiynol ADY cenedlaethol. I parhau - Byddwn yn sefydlu grŵp i blant a phobl ifanc yng Ngwanwyn 2023 i gryfhau cyfraniad dysgwyr, gwella dealltwriaeth ac ymwybyddiaeth

Rhif	Maes Blaenoriaeth Strategol	Camau gweithredu
		o'r broses barhaus o weithredu, a sicrhau bod llais dysgwyr a rhieni yn cael eu cyfrif. I parhau.
	6 Cyflogaeth a sgiliau	
6.1	Gwella mynediad at gyflogaeth, hyfforddiant a chymorth i bobl ag anableddau dysgu i'w galluogi i aros yn y gweithle	<ul style="list-style-type: none"> - Byddwn yn ystyried gwersi a ddysgwyd o'r rhaglen Ymgysylltu i Newid ac yn ymchwilio i gwmpas a dichonoldeb gwasanaeth hyfforddi ar gyfer swyddi cenedlaethol ar y cyd ag Adran Gwaith a Phensiynau'r DU - erbyn Haf 2023. - Byddwn yn cynnal adolygiad o'r cynllun dysgu o'r cynllun Peilot Cyflogaeth â Chymorth ar Hyfforddeiaethau a rhaglen Twf Swyddi Cymru Plws ar ôl iddi ddod i ben ym mis Mawrth 2022. - Byddwn yn adolygu'r gefnogaeth sydd eisoes ar gael i gyflogwyr, fel y Pecyn Cymorth Cyflogwyr ar-lein er mwyn sicrhau ei fod yn gyfredol - erbyn mis Ebrill 2023. - Byddwn ni'n gweithio gyda Grwpiau Cyflogaeth Pobl Anabl i gael yr effaith fwyaf ar wella canlyniadau cyflogaeth i bobl anabl - o fis Rhagfyr 2022.
6.2	Prentisiaethau â Chymorth	<ul style="list-style-type: none"> - Byddwn yn ymdrechu i gyflawni a chynnal nifer y prentisiaethau a gychwynnir gan ddysgwyr sydd wedi nodi eu hunain fel rhywun sydd ag anabledd / anabledd dysgu ar lefel dros 9% - o 2023 ymlaen. - Byddwn yn cyflwyno rhaglen beilot Prentisiaeth a Rennir â Chymorth i roi prawf ar addasrwydd ac ymarferoldeb y model â chymorth/a rennir ar gyfer prif ffrydio yn y dyfodol - o 2023 ymlaen - Byddwn yn parhau i gynnig cymhellion ariannol i gyflogwyr ddarparu cyfleoedd prentisiaeth i bobl anabl - o fis Ebrill 2022 ymlaen gydag adolygiad parhaus.
	7 Tai (gan gynnwys darparu cymorth cydgysylltiedig o fewn iechyd a gofal cymdeithasol i sicrhau bod tai priodol yn cael eu darparu, a hynny mor agos â phosibl i gartref yr unigolyn.	
7.1	Hyrwyddo ymgysylltiad Byrddau Partneriaeth Rhanbarthol â rhanddeiliaid	<ul style="list-style-type: none"> - Byddwn yn sicrhau bod trefniadau asesu a chynllunio ar gyfer anghenion Byrddau Partneriaeth Rhanbarthol yn cynnwys

Rhif	Maes Blaenoriaeth Strategol	Camau gweithredu
	i sicrhau bod llais a barn pobl ag anabledd dysgu yn cael eu cynnwys.	<p>ymgysylltu ystyrlon â rhanddeiliaid allweddol gan gynnwys y rhai ag anabledd dysgu.</p> <ul style="list-style-type: none"> - Fel rhan o raglen waith 'Ailgydbwysu Gofal a Chymorth' Llywodraeth Cymru, byddwn yn gweithio gyda'r Byrddau Partneriaeth Rhanbarthol i hyrwyddo a hwyluso cyd-gynhyrchu a chynnwys llais defnyddwyr gwasanaethau a gofalwyr wrth gynllunio a darparu gwasanaethau.
7.2	Y Gronfa Gofal Integredig -	<ul style="list-style-type: none"> - Byddwn yn gweithio gyda Byrddau Partneriaeth Rhanbarthol i sicrhau bod anghenion a safbwyntiau pobl ag anableddau dysgu yn cael eu hystyried yn llawn wrth gydgyssylltu rhaglenni refeniw a chyfalaf newydd y Gronfa Integreiddio Rhanbarthol yn y dyfodol.
7.3	Tai a Llety – llais a rheolaeth wrth wneud penderfyniadau.	<ul style="list-style-type: none"> - Rydym wedi cyhoeddi canllawiau i Fyrddau Partneriaeth Rhanbarthol ynghylch y Gronfa Tai â Gofal (Y Gronfa Tai â Gofal (CTG) Canllaw 2022-23 Mai 2022 (llyw.cymru)) i sicrhau ein bod yn parhau i fuddsoddi mewn tai a llety i bobl ag anableddau dysgu i gefnogi byw'n annibynnol; cynyddu'r ddarpariaeth o dai a llety yn agos at eu cartrefi a lleihau nifer y lleoliadau y tu allan i'r sir; a sicrhau bod preswylwyr a defnyddwyr gwasanaeth yn cymryd rhan mewn penderfyniadau sy'n effeithio arnyn nhw. - Mae'r Gronfa Tai â Chymorth yn cefnogi blaenoriaethau rhaglen Gwella Bywydau Anabledd Dysgu a'r cynllun gweithredu ar gyfer anabledd dysgu, ac mae'r canllawiau'n nodi y dylai comisiynwyr llety ar gyfer byw'n annibynnol i bobl ag anableddau dysgu ddilyn y canllawiau "<i>Comisiynu llety a chefnogaeth ar gyfer bywyd da i bobl gydag anabledd dysgu</i>" a gyhoeddwyd gan y Bwrdd Comisiynu Cenedlaethol yn 2019, Canllawiau.pdf. Mae'r Canllawiau hyn yn pwysleisio hawliau, dewis, rheolaeth a chynhwysiant. - Byddwn yn monitro ac yn gwerthuso effaith ac effeithiolrwydd y rhaglenni a'r canllawiau hyn.
	8 Trafnidiaeth	

Rhif	Maes Blaenoriaeth Strategol	Camau gweithredu
8.1	Gwella trafndiaeth gyhoeddus	<ul style="list-style-type: none"> <li data-bbox="1025 236 2033 528">- Wrth ddatblygu Strategaeth Drafnidiaeth Cymru buom yn gweithio'n agos â phob grŵp sy'n rhannu nodweddion gwarchoddedig gan gynnwys y rhai ag anableddau dysgu. O ganlyniad i'r trafodaethau hynny, gosodwyd hygyrchedd yn biler allweddol yn y Strategaeth. Rydym wedi datblygu llwybr cydraddoldeb fel rhan o'r Cynllun Cyflawni Cenedlaethol ar gyfer Trafnidiaeth. Byddwn yn ystyried yr ymatebion i'r ymgynghoriad 12 wythnos presennol ac yn datblygu cynigion pellach yn unol â hynny - o hydref 2022. <li data-bbox="1025 528 2033 710">- Yn amodol ar gymeradwyaeth Gweinidogol byddwn yn gweithio gyda Thrafnidiaeth Cymru i ddatblygu grwpiau rhanddeiliaid cydraddoldeb i gynghori ynghylch cyflwyno o safbwynt polisi a gweithrediadau ac i gynnal cynllun peilot ar gyfer gyrwyr bysiau i godi eu hymwybyddiaeth o ran cydraddoldeb a hygyrchedd.